

ôma âcimostâkêwin ohci covid-19 cîstahowina

cîstahowêwin êwako pêyakwayahk isi ta-manâcihitâyin kimiyo-ayâwin. wâpahcikatêwin nôkwan êkwânima ôhi covid-19 cîstahowina ka-âpacihtahk pîhci kânata mitoni atoskêmakahn ka-nakinahk ka-sôhkêpayik âhkosiwin, âhkosiwikamik ayâwin êkwa nipiwin.

kistêyihâtakwan sêhkê mastawta-ayâyayin ohci cîstahowêwina ka-natawêyihâtakwahk kiki kiya, asici mîna kahkihtwâm cîstahikâsowin. nômakêsîs, manâcihiwêwin ohci covid-19 cîstahowina kî-ati yâsipayin. kahkihtwâm cîstahikâsowin kiskisohêw kisohtapinêwin pamihcikêwin tânisî isi ta-manâcihisôt mîna wîcihtâw ta-yahkipitahk cîstahowin ka-atoskêmakahk asicâyihk ka-sôhkêpayik âhkosiwin.



kisik kayâhtê covid-19 ka-âsôskamâtohk ta-kî-mêkiw atiht manâcihiwêwin, sêhkê mastaw cîstahowêwin asici mîna kahkihtwâm cîstahikâsowin êwako kâyâpic ê-natawêyihâtakwahk ta-mêkihk kinwês atoskêmakahn manâcihiwêwin mîna nawaci iyikohk ka-atoskêmakahk. pîkiskwâtik kimaskihkîwiwin ahpô tipiyaw maskihkîwikamik opaminikêwak kiki ayiwâk kiskêyihamohiwêwin tânisîpîhk nawaci iyikohk kicîstahokawêwin mwêstas ispîhk ka-âsôskamâtohk.

mwêstas covid-19 ka-isayahk mâmiskôcikâtêwin isi kinwês-iskoyikohk ka-itôcikêmakahk atiht ayisiyiniwak ka-môsihtacik mwêstas ispîhk covid-19 ka-âsôskamâtohk. namôy kiskêyihâtakwa kîkway ka-tôcikêmakahk mwêstas covid-19 ka-isayahk, êwako nawaci iyikohk ta-nakinikâtêk êwako ta-pimitisahamin towihkana ta-manânakiskamin covid-19, tâpiskôc ta-ayâyin kicîstahokawêwin êkwa ta-pimitisahamin tipiyaw maskihkîwikamik towihkana.

pakitêyihcikâtêwin cîstahowina



osîhcikêwak mitoni wâh-wâpahpahtamwak covid-19 cîstahowina mêkwâc osîhtcikâtêwin. miyo pimatisiwin kânata êkospîhk papêyâhtak wâh-wâpahpahtam pâh-pêyak.

cîstahowina pakitêyihcikâtêw piko ta-âpacihtahk pîhci kânata kîspin wâh-wâpahpahtamowin nakiskam âhkâtan pêyâhtakêyimowin, ka-atoskêmakahk mîna kihci ayiwâkan ohci miyo pimatisiwin kânata. maskihkîwikamik opaminikêwak âhkami piskêyihamwak covid-19 cîstahowina mayâw ka-pakitêyihcikâtêkih ta-kêhcinaho ohci pêyâhtakêyimowin.

itowahk cîstahowina



mrna cîstahowina êkwânihî ê-natawêyihâtakwahkihk cîstahowina kiki mihcêt ayisiyiniwak pîhci kânata.

ôma itowahk cîstahowin mêkiw kiskêyihamohiwêwin isi kiâsiwacikanisîsa ka-natawêyihâtakwahk ta-osihâtat coronavirus protein. ôma protein sipwêpayihtaw kimiyaw sohtapinêwin isi-ayâwin ta-wîcihtâw manâcihiwêwin asicâyihk ka-âsôskamâtohk asici ôma âhkosiwin ka-itocikêmakahk covid-19, êkwa ka-misi âhkosihk ohci. kisik cîstahowêwin âciwinam nânitaw isi covid-19 ka-âsôskamâtohk ohci, kâyâpic ka-kî-kahcitinên ka-âsôskamâtohk kiyam kîspin mwêstas covid-19 kicîstahowêwin.

kîspin namôy kaskihtân ta-ayâyin mrna covid-19 cîstahowin, kânata mîna kpakitêyiham kotak itowahk covid-19 cîstahowina, asiciviral vectors, protein subunit êkwa maskihkîwopakwa-ohcipayiwîn cîstahowina. pîkiskwâta maskihkîwikamik opaminikêw ahpô tipiyaw maskihkîwikamik opaminikêwak mahti kîspin kotak cîstahowin nawasonikêwin êwako miywâsin kiki kiya.

âhkami pimâstahk tipiyaw maskihkîwikamik towihkana



cîstahowina êkwa tipiyaw maskihkîwikamik towihkana âhkami kistêyihâtakwan ta-wîcihtât manâcihitât kimiyo-ayâwin êkwa miyo-ayâwin ohci kotakak, âsônê êkwâniki ka-âstâsihk ohci ka-sôhkêpayik âhkosiwin ta-kî-itôtamâkahn ohci covid-19. ôhi towihkana nawat ka-atoskêmakahki ispîhk ka-mâmawi pimâstahk, asici mîna kîkiwahk ta-ayahk ispîhk kiâhkosin, postiska otatahcikêw mihkwâkanihkâna ahpô kipotônênikana, mîna yahkipita sâpoyowêhtawin.

kiskêyihata âcimostâkêwin. kiyokê canada.ca/covid-vaccine ta-kiskêyihamin ayiwâk.